

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Historia Zaringo Badensis**

**Schöpflin, Johann Daniel**

**Carolsruhae, 1765**

N. I

[urn:nbn:de:bsz:31-295118](https://nbn-resolving.org/urn:nbn:de:bsz:31-295118)



CODEX DIPLOMATICUS  
HISTORIÆ  
ZARINGO-BADENSIS.

N. I.  
DAGOBERTI REGIS DIPLOMA DE THERMIS BADENSIBUS,  
QUAS ABBATIÆ WEISSENBURGENSEI DONAT.

ANNO DCLXXVI.

*Ex Chartulario veteri Ecclesie Weissenburg.*



Dagobertus Rex Francorum Viris Illustribus, Ducibus, Comitibus, Domesticis, & omnibus gentibus, tam præsentibus quam futuris. Illud ad stabilitatem regni vel remedium anime nostre perdurare credimus, si peti-

A

tionibus sacerdotum, in quo auribus nostris patefecerint, ad effectum perducimus. Ideo cognoscat magnitudo seu utilitas vestra, quia nos ad suggestionem viri venerabilis Ratfridi, Abbatis de Monasterio Wizinburgo, *Balneas* illas trans Rhenum in pago *Anciacense* fitas, (quas Antonius & Adrianus quondam Imperatores suo opere edificaverunt) ad Monasterium, quod dicitur Wissenburg, & est constructum in honore S. Petri in pago Spirense, visi fuimus concessisse, cum omnibus, & cum ipsa marcha ad ipsas *Balneas* pertinente, que veniet de ambabus lateribus usque in fluvium Murga, & de uno fronte ad partem Occidentalem Rasta una, & de alio fronte ad partem Orientalem leütillas sex, quot homines loci istius siti dicunt rastas tres. Propterea hoc preceptum cessionis fieri iussimus, ut ab hac die memoratus Ratfridus Abbas, vel Patres ipsius Monasterii Wissenburgensis, sui que successores vel Monachi ibidem commanentes, de supra scriptis *Balneis*, que dicuntur aquas calidas, vel Marcha ad ipsas *Balneas* pertinente, faciant, quod ipsi maluerint, hoc est, habendi, tenendi, suisque successoribus relinquendi firmissimam in omnibus habeant potestatem. Et ut hec presens autoritas firmior sit; manu nostra, vel annulo nostro subter eam decrevimus roborari. In Christi nomine Dagobertus Rex. Data sub die Kal. Augusti, anno secundo regni nostri.

---

Nota. COCCIUS in *Dagoberto* pag. 175. Chartam hinc inde mutatam exhibet, atque ex eo BOUQUETUS in *Scriptoribus Rev. Franc.* Tom. IV. p. 654. Coccii tempore ignotus fuit Dagobertus II. unde eam Dagoberto primo male adscripsit. Observationes ad Præceptum hoc Alfatia Diplomatica dabit.

---